

I. DISPOSICIÓN XERAIS

MINISTERIO DE AGRICULTURA, PESCA E ALIMENTACIÓN

3436 *Orde APA/206/2020, do 6 de marzo, pola que se modifica a Orde AAA/1424/2015, do 14 de xullo, pola que se establecen medidas específicas de protección en relación coa lingua azul.*

A loita fronte aos diferentes serotipos do virus da lingua azul que foron detectados en España levouse a cabo mediante un programa de vixilancia, un programa de vacinación e o control dos movementos dos animais sensibles á enfermidade. A adaptación dos programas de loita á evolución epidemiolóxica da enfermidade realizouse mediante sucesivas ordes ministeriais, e a última delas foi a Orde AAA/1424/2015, do 14 de xullo, pola que se establecen medidas específicas de protección en relación coa lingua azul. Nas distintas modificacións adaptáronse as zonas de restrición para os serotipos 1 e 4, incluíndo a zona de vacinación voluntaria fronte aos serotipos 8 e 4, e adaptando as condicións dos movementos de animais susceptibles como resposta á evolución epidemiolóxica da enfermidade durante este período.

De acordo co establecido no número 2 do artigo 6 do Regulamento 1266/2007, do 26 de outubro de 2007, polo que se establecen disposicións de aplicación da Directiva 2000/75/CE do Consello no relativo ao control, ao seguimento, á vixilancia e ás restricións ao traslado de determinados animais de especies sensibles á febre catarral ovina, así como cos requisitos de vixilancia establecidos no anexo I do mencionado regulamento, e dado que se cumpriu co requisito de ausencia de circulación do serotipo 1 e 4 do virus da febre catarral ovina en determinados territorios durante un período mínimo de dous anos, con dúas estacións de actividade do vector, considérase necesario modificar as zonas de restrición para retirar os ditos territorios.

Adicionalmente, inclúese a posibilidade de realizar vacinación voluntaria fronte aos serotipos 1 e 4 en determinadas zonas pola súa proximidade ás zonas de restrición, así como actualizar algunhas comarcas da zona de vacinación voluntaria fronte aos serotipos 4 e 8 en Aragón e Cataluña, dados os recentes cambios comunicados en determinados territorios.

Así mesmo, dada a situación de determinadas comarcas situadas en zona restrinxida nas cales non se declara período estacionalmente libre en todo o ano, considérase conveniente incluír a posibilidade de mover animais da especie bovina desde esta zona cara ao resto do territorio nacional sempre que estes vaian acompañados dunha proba de reacción en cadea da polimerasa (PCR) ou con ausencia de signos clínicos da enfermidade cando o seu destino sexa un matadoiro situado dentro da mesma zona de restrición, e sempre que o movemento se produza tras a instauración do período estacionalmente libre no resto da zona restrinxida, segundo se publica na páxina web da Comisión Europea, e antes de que este finalice.

En consecuencia, procede modificar a Orde AAA/1424/2015, do 14 de xullo, co fin de actualizar as zonas de restrición fronte aos serotipos 1 e 4, flexibilizar determinados movementos considerados de baixo risco, así como actualizar o anexo de vacinación voluntaria fronte aos serotipos 1, 4 e 8.

No procedemento de elaboración desta disposición foron consultados as comunidades autónomas e os sectores afectados.

Esta orde dítase ao abeiro do establecido no artigo 8 da Lei 8/2003, do 24 de abril, de sanidade animal, e na disposición derradeira segunda do Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul.

Na súa virtude, de acordo co Consello de Estado, dispoño:

Artigo único. *Modificación da Orde AAA/1424/2015, do 14 de xullo, pola que se establecen medidas específicas de protección en relación coa lingua azul.*

A Orde AAA/1424/2015, do 14 de xullo, pola que se establecen medidas específicas de protección en relación coa lingua azul, queda modificada como segue:

Un. No artigo 4.1 engádesse unha alínea d) tal e como segue:

«d) Non obstante o establecido na alínea a), permitirase o movemento dos animais da especie bovina procedentes de comarcas da zona restrinxida nas cales non se declara período estacionalmente libre en todo o ano, cando se produza tras a instauración do período estacionalmente libre no resto da zona restrinxida, segundo se publica na páxina web da Comisión Europea, sempre antes de que finalice e se os ditos animais cumpren unha das seguintes condicións:

- i. que resultasen negativos a unha proba de reacción en cadea da polimerasa (PCR), realizada sobre unha toma de mostra de sangue completa tomada dentro dos 14 días anteriores ao movemento do animal, e quedasen protexidos con insecticidas/repelentes desde o día da toma de mostras, ou ben
- ii. que teñan como destino directo o seu sacrificio en matadoiro situado en zona restrinxida fronte aos mesmos serotipos e que os animais non mostren signos clínicos compatibles coa enfermidade no momento do seu movemento.

En ambos os casos, os animais deberán ser transportados en vehículos desinsectados antes da súa carga.»

Dous. O artigo 6.5 queda redactado como segue:

«A vacinación voluntaria fronte aos serotipos 1, 4 e 8 poderase realizar naqueles animais maiores de tres meses pertencentes ás especies ovina e bovina que:

- a) estean situados na zona de vacinación voluntaria establecida no anexo III ou
- b) vaian ser obxecto de movemento intracomunitario a zona restrinxida por serotipo 1, 4 e 8 para a súa lida ou outros movementos temporais, como participación en feiras, mercados ou exposicións no país de destino, e estea previsto o seu retorno á orixe. Neste caso, a vacinación deberá ser autorizada pola autoridade competente da comunidade autónoma de orixe.

Non obstante o establecido na alínea a), as comunidades autónomas que así o dispoñan poderán establecer que a vacinación voluntaria no seu territorio se realice de forma obrigatoria.»

Tres. O anexo I queda redactado da seguinte maneira:

«ANEXO I

Zona restrinxida fronte ao serotipo 4 do virus da lingua azul

Consideraranse zona restrinxida fronte ao serotipo 4 do virus da lingua azul os seguintes territorios:

1. Na Comunidade Autónoma de Andalucía:
 - a) As provincias de Cádiz, Córdoba e Málaga.
 - b) Na provincia de Granada: a comarca veterinaria de Motril (Costa de Granada).
 - c) Na provincia de Jaén: a comarca veterinaria de Andújar (Sierra Morena/Campiña de Jaén).

d) Na provincia de Huelva: as comarcas veterinarias de Almonte (contorna de Doñana), Cartaya (Costa Occidental), Cortegana (Sierra Occidental), La Palma del Condado (Condado de Huelva), Puebla de Guzmán (Andévalo occidental) e Valverde del Camino (Andévalo oriental).

e) Na provincia de Sevilla: as comarcas veterinarias de Cantillana (Vega de Sevilla), Carmona (Los Alcores), Écija (La Campiña), Lebrija (Las Marismas), Marchena (Serranía Sudoeste), Osuna (Campiña/Sierra Sur), Sanlúcar la Mayor (oeste de Sevilla), Sevilla (Delegación Provincial) e Utrera (Bajo Guadalquivir).

2) Na Comunidade Autónoma de Extremadura:

a) Na provincia de Cáceres: as comarcas veterinarias de Coria e Valencia de Alcántara.

b) Na provincia de Badajoz: as comarcas veterinarias de Badajoz e Jerez de los Caballeros.»

Catro. O anexo II queda redactado da seguinte maneira:

«ANEXO II

Zona restrinxida fronte ao serotipo 1 do virus da lingua azul

Consideraranse zona restrinxida fronte ao serotipo 1 do virus da lingua azul os seguintes territorios:

1. Na Comunidade Autónoma de Andalucía:

a) As provincias de Cádiz, Córdoba e Málaga.

b) Na provincia de Granada: a comarca veterinaria de Motril (Costa de Granada).

c) Na provincia de Jaén: a comarca veterinaria de Andújar (Sierra Morena/Campiña de Jaén).

d) Na provincia de Huelva: as comarcas veterinarias de Almonte (contorna de Doñana), Cartaya (Costa Occidental), Cortegana (Sierra Occidental), La Palma del Condado (Condado de Huelva), Puebla de Guzmán (Andévalo occidental) e Valverde del Camino (Andévalo oriental).

e) Na provincia de Sevilla: as comarcas veterinarias de Cantillana (Vega de Sevilla), Carmona (Los Alcores), Écija (La Campiña), Lebrija (Las Marismas), Marchena (Serranía Sudoeste), Osuna (Campiña/Sierra Sur), Sanlúcar la Mayor (oeste de Sevilla), Sevilla (Delegación Provincial) e Utrera (Bajo Guadalquivir).

2. Na Comunidade Autónoma de Castilla-La Mancha:

Na provincia de Ciudad Real: as comarcas veterinarias de Almadén, Almodóvar del Campo e Piedrabuena.»

Cinco. O anexo III queda redactado da seguinte maneira:

«ANEXO III

Parte A: zona de vacinación voluntaria fronte aos serotipos 4 e 8 do virus da lingua azul

Consideraranse zona de vacinación voluntaria fronte aos serotipos 4 e 8 do virus da lingua azul os seguintes territorios:

1. Na Comunidade Autónoma de Aragón:

a) Na provincia de Zaragoza: as comarcas veterinarias de Ejea de los Caballeros, Sos del Rey Católico e Zuera, e os municipios da provincia pertencentes á comarca veterinaria de Jaca.

b) Na provincia de Huesca: as comarcas veterinarias de Ayerbe, Barbastro, Binéfar, Boltaña, Castejón de Sos, Grañén, Graus, Huesca, Jaca, Monzón, Sabiñanigo, Sariñena e Tamarite de Litera.

2. Na Comunidade Autónoma de Cataluña:

a) Na provincia de Barcelona: as comarcas veterinarias de l'Anoia, Bages, Baix Llobregat, Barcelonès, Berguedà, Maresme, Moianès, Osona, Vallès Occidental e Vallès Oriental.

b) A provincia de Girona.

c) Na provincia de Lleida: as comarcas veterinarias de Alt Urgell, Alta Ribagorça, Noguera, Pallars Jussà, Pallars Sobirà, Pla d'Urgell, Segarra, Segrià, Solsonès, Urgell e Vall d'Aran, así como os municipios da provincia pertencentes á comarca veterinaria de Cerdanya.

3. A Comunidade Foral de Navarra.

4. A Comunidade Autónoma do País Vasco.

Parte B: zona de vacinación voluntaria fronte aos serotipos 1 e 4 do virus da lingua azul

Consideraranse zona de vacinación voluntaria fronte aos serotipos 1 e 4 do virus da lingua azul os seguintes territorios:

1. Na Comunidade Autónoma de Andalucía:

a) Na provincia de Huelva: a comarca de Aracena (Sierra Oriental).

b) Na provincia de Jaén: as comarcas veterinarias de Alcalá la Real (Montes Occidentales), Beas de Segura (Sierra Segura), Cazorla (Sierra de Cazorla), Huelma (Sierra Mágina), Jaén (Campiña de Jaén), Linares (Sierra Morena/Campiña de Jaén), Santiesteban del Puerto (El Condado) e Úbeda (La Loma).

c) Na provincia de Sevilla: a comarca de Cazalla de la Sierra (Sierra Norte).

2. Na Comunidade Autónoma de Extremadura:

Na provincia de Badajoz: as comarcas veterinarias de Azuaga, Castuera, Don Benito, Herrera del Duque, Mérida e Zafra.

Parte C: zona de vacinación voluntaria fronte ao serotipo 1 do virus da lingua azul

Consideraranse zona de vacinación voluntaria fronte ao serotipo 1 do virus da lingua azul os seguintes territorios:

1. Na Comunidade Autónoma de Extremadura:

Na provincia de Badajoz: as comarcas veterinarias de Badajoz e Jerez de los Caballeros.

Parte D: zona de vacinación voluntaria fronte ao serotipo 4 do virus da lingua azul

Consideraranse zona de vacinación voluntaria fronte ao serotipo 4 do virus da lingua azul os seguintes territorios:

1. Na Comunidade Autónoma de Extremadura:

Na provincia de Cáceres: as comarcas veterinarias de Cáceres, Logrosán (Zorita), Navalmoral de la Mata, Plasencia e Trujillo.

2. Na Comunidade Autónoma de Castilla-La Mancha:

- a) As provincias de Ciudad Real e Toledo.
- b) Na provincia de Albacete: as comarcas veterinarias de Alcaraz, Balazote, Elche de la Sierra, Villarrobledo e Yeste.»

Disposición derradeira única. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 6 de marzo de 2020.–O ministro de Agricultura, Pesca e Alimentación, Luis Planas Puchades.